

مجموعه فنون

۱۸

جمعیت علمیه عثمانیه

برنجی پنه

ربیع الآخر

نومرو ۴

استانبول

وزیر خاتمه ارزنجانلی اوغلو آرتین مناسیان مطبعه سنده

طبع اولمشدر

۱۳۷۹

۱۸۳۱ سنه سنده ایریلوب ایکی دولت اولش و یونانستان قطعہ سی
 ممالک دولت علیه داخلند بولندیغی حالده معلوم اولدیغی اوزره خیلی
 وقت محاربه دنصکره انکلترة و فرانسه دولترینک التزام و معاونتیه
 بر دولت مستقله هیئته کیرمشدر . و ایتالیا قطعہ سی متعدد قرالاق
 و دوقه لغی مشتمل ایکن اوج سنه مقدم بر طرفدن فرانسه ایله ساردنیا
 و دیگر طرفدن اوستریا دولتری بیننده وقوعه کلان ایتالیا محاربه سی
 نتیجه سی اولق اوزره ناپولی قرالغیه سائر دوقه لقلر قطعہ مذکوره ده
 واقع مزبور ساردنیا قرالغیه ملحق اوله رق ساردنیا قرالی ایتالیا قرالی
 نامنی المش و شمیدیکی حالده ایتالیا قطعہ سنک پاپا حکومتیه اوستریا لو
 یدنده قالان ونیدیک ایلاندن بشقه محلاری ذکر اولنان ایتالیا قرالغی
 دائره حکومتیه داخل اولمشدر . (قدری)

(الغای قوائم نقديه) (مابعد)

اولوجهله اوراق نقديه نك ممالك محروسه يه تعمينه قرار ویرلدكن
 صكره در سعادته اوروپا اوزرينه قامیوی طوتمق ایچون ایالاته توزیع
 و ترتیب اولنان اوچبوز بیک کپسه لك نقود خالصه نك بدلی بولنان
 قوائم نقديه طبع اولنه رق كله جك مارت ابتدا سنده تداوله چیقارلق
 اوزره محلارینه ارسال قلندی .

عموماً تبعه شاهانه نك بویه بر حال مضایقه ده سلطنت سیده
 معاونتی مایه مفخرت عد ایده جکری درکار ایسده اوراق نقديه نك
 در سعادته امر تجارت و معاملاتجه مشهود اولان سو تأثیراتی میدانده
 اولدیغی جهته اکثر ایالات اها ابسی شوتدیرك درکار اولان وخامت
 عاقبتی

عاقبتی حس ایدرک بعضیلری حصه لرینه اصابت ایدن نقودی بلا بدل
خریشه جلبیه ترک و تبرع ایتک اوزره اوراق نقدیه تک مملکتلرنده
تداوله قونلما سنی باعر صخمال استرحام ایلدیلر .

در سعادتده دخی مارت ابتدا سنده تداوله وضع اولنه جق نومرولری
قوالم جدیده چبقار یلنجیه قدر مصارف معتاده یه مدار اولق اوزره
اولق و یکر میلکدن بشقه یوزلک و الیلک اولق اوزره اصول عتیقه ده
شهری التمش کپسه لک قائمه چبقار یلوب بو جهته از وقت نظر فنده
قوالمک مقداری زیاده تکرار ایتدی کندن بالطبع اعتبارینه خلل کله رک
کند بجه التونک فیثاتی تراید ایدوب ایکوز یکر می بش غروشه واصل
اولش و حتی بیک ایکوز یتش سکر سنه سی ماه جادی الاخره تک اوتچی
پنجشنبه کونی صباحلین بغته اوجوز اوجوز الی یه قدر التوب و یرلش
اولغله بونک اوزرینه اولکون ارباب اخذ و اعطایه بر امیتسزاک
کله رک در عقب دکان و مغازه لرینی قیادتلرندن بو کیفیت جله یه باعث
اندیشه و اضطراب اولشیدی . فقط بو مثالو بر بحران عظیمک علی
ماله ترکی جله حقنده نه درجه موجب وخامت اوله جغی درکار
اولدیغندن در حال شوفسادک ایقاعندن مستفید اولان صرافانک مرکزی
اولان حویار خانی و اخجه معاملاتنه مخصوص سائر محال
و دکا کین طرف حکومتدن قیادتیرللق و ذخائر و ارزاق دکا نلری
بالعکس اچدی رلق کبی تداییر مؤثره اتخاذینه مسارعت ییوریله رق غائله
واقعنه تک بالسوهوله اندفاعی مہسر اولشدر .

خلقه بعض مرتبه موجب تأمین اولق اوزره خریشه جلبیه
طرفدن ایکی آی قدر یوز التمش غرویش فیثات ایله محال متعدده ده
کتورنلرک اسم و شهرتی تحریر و تجارت غرضیله بوزدیرمق استمدیکی
نوعاً تحفه اولدیقدن صکه هر شخص بدله نهایت اوج التونلق قائمه

تبدیل ایتدیرلش و فقط بو ائنده ینه مجیدیه التونی ایکبوز و ایکبوز
یکرمی غروش یننده تداول ایتدیکنه و اولوجهله قائمه تبدیل ایدنر
التونلرینی اوتنده کیدوب قرق الی غروش زیاده صاندقلرینه مبنی بر طاقم
ادمک بو صورتله تمیزلندن و تبدیل اولان محلارده فوق الغایه غلبه لک
وقوعی جهته بعضیلرینک باشی کوزی یارلق و البسه سی یرتلق کبی
رنجیده و خسار دیده اولمزلندن بشقه بر عمره سی کوریه مامشدر .

مأموریت مهمه مخصوصه ایله بر الشامده بولندیغی حالده عهدیه سنه
مسند والای صدارت عظمی توجیه ییورلش اولان فحامت لودولتو
محمد فؤاد پاشا حضرتلری متعاقبا در سعادت و وقوع عودت عالیارنده
اوراق نقدیه نک بوراجه منتخ اولدیغی مشکلاته و بر طرف دندخی ایالات
و الویه جه القا ایلدیکی خوف و اضطرابه کسب اطلاع ایله در سعادتده
قوائم اعاده اعتباری درجه استحاله ده اولدیغی و طشره لرحه اگرچه
محال مقتضیده میمرز اقصادی مصمم ایسه ده صحیحینک ساخته سندن
فرق و تمیزی موجب انواع صعوبت اوله جنغی شویله طور سون بر قاج
سنه مرورنده عموما بمالک محروسه در سعادتک بولندیغی حاله دوچار
اوله جنغی و اولوقت رفع و ازاله سی بالطبع ده زیاده کسب صعوبت
ایده جکی مطالعه سیله حال تشویش و اختلال سده بولنان امور مالیه
سلطنت سنیه نک بر صورت اخری ایله حسن تسویه سی لابد اولدیغی
مقتضای رشد و رویت مسئله لری اوزره فهم و اذعان ییورمش اولمزلریله
وکلای سائر سلطنت سنیه ایله بالاتفاق تدابیر آیه اتخاذینه قرار ویرلشدر .
ایالاتده قوائم نقدیه نک تداولندن صرف نظره مقدم کوندر یلوب بدلات
لازمه سی دخی همان کاملاً خزینه جلیله و رود ایتمش اولان اوچوز
یک کبسه لک اوراق نقدیه نک بر صورت مناسبه ایله چکلمسی وارتنق

هر نه فداکارلغی موجب اولور ایسه اولسون اوراق نقدیه تک درسعادتن دخی کاملاً محوی تصور اوله رق کرک بونک اجراسی و کرک دیون غیر منتظمه تک تسویه سی ضمننده اوروپادن یوزده اوتوز ایکی غروش نقصانده اولق و سنوی یوزده الی فائض ویرلک اوزره سکرز ملیون انگلیز لیراسی استقراض اوله رق تداولدن اله جق قائمه تک یوزده قرق نقد و التمی سهام جدیده ایله تموز و اغستوس آیلری ظرفنده تبدیلی تنسب قلمش و کچن مایسده کیفیت جملیه اعلان اولمشدر .

اشبو امر مهم بر موجب اعلان کمال اقدام و انتظام ایله تسویه قلمش و بو خصوص ایچون تبدیل قوائم اداره سی عنوانیه تشکیل بیورلش اولان اداره تک صورت اجرا آتی شایان اطلاع مواددن بولمش اولغله بوجه اتی بیان و تفصیلنه ابتدار قلندی .

اشبو قوم بوسون ایاصوفیه جوارنده واقع دار الفنونده اقامه اولنوب مصلحتنه قبل الشروع اتخاذ اوله جق اصول ایکی کون تجربه اوله رق یولنده کورلد کد نصرکه شهر تموزک ابتداسی بازار کونی کشاد اولمش و مدت معینه سی مرورنده غیراز تعطیلات قرق طقوز کون ایشلمش اولدیغی حالده اغستوسک نایتی جمعه کونی ساعت طقوزده قیادلمشدر .

مدت مذکوره ظرفنده ایادی ناسدن اخذ اولنان اوراق نقدیه ۹۹۸۸۰۰۷۲۰ غروش یعنی بر ملیون طقسان یدی بیک الیوز بر کبسه وایکوز بیکرمی غروشلق اولوب یرینه بوجه اتی بدلی اعطا قلمشدر .

اسهام جدیده	۵۹۹۲۹۳۰۰۰
بیاض مجیدیه	۰۸۳۶۱۳۶۴۱
مجیدیه التویله انگلیز و فرانسز لیراسی	۳۰۳۱۷۳۶۴۲
لوندره و پارس اوزرینه کشیده اولان پولیچه لر بدلی	۰۱۲۷۲۰۴۳۷
	۹۹۸۸۰۰۷۲۰

تداولدن النان قوائم مذکوره اوتوز اوج مليون بشوز بيك عدددن
متجاوز اولوب تقريباً بيك اوجبوز عددی بر قيه اعتباريله يکر التي بيك
قيه قدردر . اشبو مقدار قرق طقوز کونه تقسيم اولندقدده بری بری
اوزرينه يوميه يکرمی مليون اوجبوز سکسان بيك شو قدر غروشلق
يعنی قرق بيک يدي يوز التمش درت کيسه لک و تقريباً بشبوز اوتوز
قيه اولق اوزره التمش سکر بيک عدد اوراق النوب معاینه و تعداد
اولندقدنصکره در عقب بدلی اصحابنه اعطا قلمش ديمک اولور .

خلق ايله اولان معاملاتک حسابی يارينه براغليبوب کونی کونه
کورلش اولديغندن ايلواک همان اوجنجی کونی معاملات محاسبه سی
دفتری حاضر بولندهرق اداره قوميسیونی طرفندن بالتدقيق تمهیر و امضا
اولمش و اشبو امر مهم دخی يالکز ايکی صندوق امینی ايله درت کاتب
معرفتيه تسويه قلمشدر .

قوائم اخذينه مخصوص قرق وزنه اولوب هر برنده بر کاتب و بر
تعدادی ايله بر معاینه جی و هر ايکی وزنه ايچون اوج نفر زمبه جی
تعین و اشبو قائمه وزنه لرندن بشقه کليتلو قوائم تبديل ايدمک اولنلر
ايچون بيوک اوطه لر تخصیص قلمشوب بولنده دخی قرقندن متجاوز
معاینه جی و تعدادی و زمبه جی و اوج درت نفر کاتب موجود ایدی .
اشبو وزنه لر بشقه بشقه حسابلری و يروب محاسبه اوطه سنده و قوائم
مخزننده دخی اير و اير و حسابلری رؤیت اولنور ایدی .

مأمورینک جله سی تعطیل کونلرندن ماعدا هر کون صباحین ساعت
اون ايکدن اول دار القنوده موجود اولوب صباح و اخشام قیدلری
اجرا اولنور . و محل مذکور خلق ايچون ساعت بردن طقوزه قدر
اچیق اولوب يالکز بر ساعت استراحت اولنور ایدی . ساعت طقوزدن

صکره قائمه وزنه لری المش اولدقلری قوائمی جدول مخصوصبله برابر قوائم مخزننه کوتوروب اوراده ضربخانه طرفندن تعیین اولنمش مأمورل معرفتیه تکرار معاینه و تعداد اولتور . و نقصان و قلب ظهور ایدر ایسه کتورن وزنه یه تضمین ایتدیریلور ایدی .

مذکور قوائم وزنه لرنده قبض اولنان قوائمک بدلی ویرلمک ایچون یدی باب تأدیه وزنه سی اولوب بونلرک دخی هر برنده بریسی نقد و دیگر ی اسهام اعطاسنه مخصوص ایکی مأمور ایله بر مقید و ارایدی . قائمه وزنه لرندن کلان بونولر جدولله تطبیق اولدقدن صکره بدلاری اعطا اولتور ایدی . صرف اولنان نقودک بر ربعی و بعض کونلر بالایجاب دها زیاده سی کوش مجیدیه و قصوری التون اوله رق ویرلمشدر . اشو اون درت وزنه دار هر کون اخشام اوستی سالف الذکر صندوق امینلریله و بونلر دخی محاسبه عمومه مدیریله حسابلرینی رؤیت ایدرک اولکسون دفتری قیادیلور ایدی .

اشته اولوجهله هر اخشام قائمه وزنه لرندن قوچانلو بونو دفتری و قوائم مخزنسندن دخی وزنه لرندن اورایه ورود ایدن قوائمک جنس و مقدارینی مبین مفردات دفتری و صندوق امینی طرفندن دخی اولکون قائمه وزنه لرندن تأدیه وزنه لرنه ورود ایدن بونولرک بدلی اوله رق خلقه ویرلمش اولان نقود و اسهامک جنس و مقدارینی مشعر مهور سند محاسبه او طه سنه اعطا اولنوب بو اوج دفترک یکدیگرینه تطبیقیله بمقدار قائمه النمش و بمقدار اچقه و اسهام ویرلمش اولدیغی اکلاشیلور ایدی . اشبو دفترده یالکیز بر ایکی دفعه عدم مطابقت مشهود اولمش ایسه ده بونک ندن نشأت ایتدیکی تحری و تدقیق اولنهرق سهور قندن ظهوره کلدیکی کوننده تبیین ایلمشدر .

تأدیه وزنه لرنده بر مقدار جزئی زیاده الحقه و بر ملك كې بعض سهول
 وقوعبولش ايسده ده بو مقوله خسارات سبب اوللره تضمين ايتديرلش
 و بر دفعه وزنه نك بری نقد و اسهام اوله رق طقسان ييك غروش زیاده
 و برمش اولديغندن در عقب اول وزنه قياتديريلوب مبلغ مذکور
 وزنه دارلردن تحصيل اولمق اوزره منسوب اولدقلری امور مالیه نظارتیه
 کوندرلشلردر .

قوائمك دفعه ثانیه اولق اوزره مخزنه حین تعدادنده التمش ييك
 غروشلق قدر نقصان ظهور ایدوب لدی التحریر سرقت اولنديغی
 اکلاشیله رق در عقب ظاهره اخراج اولمش و بوکا جرأت ایدنلراخذ
 و تأدیب قلمشدر . اشبو تبدیل قوائم اداره سی بر قومہ بیون معرفتیه
 اداره اولنوب زیره محرر الاسامی ذواتدن مرکب ایدی .

رئیس مجلس والا اعضا سندن دولتو ادهم پاشا حضرتلری

عزتلو فراتقو افندی

محاسبه عمومیه مدیری عزتلو اغا طون افندی

بانق اوطومان دیرکتوری موسیو کیلبرتسون

موسیو غواراچینو

اعضا

خزینہ و قوائم مخزنك کیجه و کوندز محافظه سی و نظام و انتظامك
 وقایه سی صمنده عساکر شاهانه دن بر قول اغاسی و بر یوز باشی و بر
 ملازم ایله یوز نفر و عساکر ضبطیه دن كذلك بر یوز باشی و بر
 ملازم ایله یکرمی نفر قومہ بیون معینته و برلشیدی .

اشبو قومہ بیونك حین اجرا آتنده طرف سلطنت سنه دن هر درلو
 تسهیلات لازمك ایفا سنده تجویز قصور ییورلدیغی مثالو بر طرفدن

دخی

دخی مداخله و وقوع بولدیغی جهتله شو امر مهمك ازوقت ظرفنده حسن
تسویه سی مبسر اولمشدر . كرك رئیس مشار اليهك و كرك اعضای
مومی اليهك بروفق مطلوب عالی مشهود اولان كال اهلیت و اقداماری
شایان مدح و ستایش اولوب صندوق امینلری و وزنه دارلر ایله سائر
مأمورین ملكبه و عسكریه دخی وظیفه لرینك حسن ایفاسنه سعی
و اهتمام ایلمشادر .

قوه بیسیون مذکور قیادلدقدنصكره كتور یله جك قوائمه یالكرز اسهام
ویرلك اوزره الی ماه مدت تعیین اولندهرق کیفیت مقدما اعلان قلمنش
ایسده ایدى ناسده مقدار جزوی قوائم قالمش اولسنه نظراً مهل
مذكورك او قدر تمدیدینه لزوم اولیده جغنسه مبنی اغستوسك اونندن
اعتباراً بر ماه مدته تنزیل قلمنش و مدت مذكوره ظرفنده ضربخانه
معرفتیله ایكى ملیون غروشلق یعنی درت بیك كبسهلك قوائم اولوجمله
یالكرز اسهام ایله تبدیل قلمنشدر .

بروجه محرر یكرمی الی بیك قبه دن عبارت اولان اوراق مذكوره تكرار
كاغد اعمال اولنق اوزره اربابنه فروخت اولندیغی حالده یوزبك غروش
قدر ایده جكى تخمین اولمشدر .

(منیف)

(مواد حکیمه تلماق)

محفوظ كنجنیه صدور و سطور اولان انواع توارنخ و حكایاتدن
مقصد اصلی اینای بشره مشعله راه سعادت اولان مواعظ و عبر